



1. Apa itu Program Rebat Bil Elektrik RM40?

- Program bantuan Kerajaan **secara bersasar** untuk membiayai bil elektrik bulanan sehingga maksimum RM40 kepada Ketua Isi Rumah (KIR) berstatus **miskin tegar sahaja yang berdaftar dan disahkan dalam Sistem eKasih**.
- Mulai 2 Januari 2026, sistem eKasih akan menggunakan **Pendapatan Garis Kemiskinan (PGK) 2024** yang telah diumumkan oleh Kerajaan dalam penentuan status kemiskinan terkini. Dalam hal ini, pendapatan purata nasional miskin tegar adalah sebanyak RM1,236.
- Pengguna yang layak akan menerima bil elektrik percuma sehingga maksimum RM40 setiap bulan.

2. Siapakah yang layak menerima rebat bil elektrik RM40?

- Ketua Isi Rumah (KIR) di bawah kategori miskin tegar yang tersenarai dan disahkan dalam Sistem eKasih.
- Pendapatan bagi miskin tegar adalah berdasarkan Pendapatan Garis Kemiskinan (PGK) per isi rumah yang dikeluarkan oleh Kementerian Ekonomi.

3. Apakah syarat-syarat Program Rebat Bil Elektrik RM40?

- (i) Pengguna-pengguna elektrik yang layak menerima rebat ialah KIR miskin tegar yang disenaraikan dan disahkan dalam Sistem eKasih;
- (ii) Penerima yang layak akan menerima rebat RM40 bermula dari tarikh kelayakan/tarikh kemas kini maklumat akaun sehingga 31 Disember pada tahun semasa;

- (iii) Rebat bil elektrik akan diberikan sehingga maksimum RM40 sebulan sahaja. Sekiranya bil kurang daripada RM40, tiada baki akan dibawa ke bulan berikutnya dan jika bil melebihi RM40, penerima perlu membayar baki tersebut;
- (iv) **Hanya satu akaun bil elektrik sahaja layak untuk menerima rebat** bagi setiap KIR miskin tegar yang berdaftar dan disahkan dalam sistem eKasih;
- (v) Rebat RM40 hanya terpakai kepada tarif domestik sahaja;
- (vi) Rebat RM40 termasuk semua jenis caj dan penalti lewat bayar;
- (vii) Rebat RM40 tidak termasuk tunggakan bil sebelum tarikh KIR mengemas kini maklumat akaun elektrik;
- (viii) Rebat RM40 hanya terpakai bagi tunggakan pada satu tahun sebelumnya sahaja (bagi tahun 2026, hanya tunggakan bermula 31 Januari 2025 hingga 31 Disember 2025 sahaja)
- (ix) Rebat RM40 tidak terpakai bagi tunggakan semasa tempoh KIR layak terkeluar dari senarai layak menerima rebat dan juga tunggakan dari tahun sebelumnya (sekiranya KIR masuk semula di dalam senarai layak menerima rebat).
- (x) Pengguna boleh memilih untuk menukar nombor akaun elektrik yang akan menerima rebat dari semasa ke semasa dengan merujuk terus kepada cawangan utiliti berdekatan untuk mengemas kini nombor akaun; dan
- (xi) Bil elektrik sehingga RM40 sebulan akan ditolak terus daripada akaun pengguna.

4. **Mengapakah Kerajaan memperkenalkan Program Rebat Bil Elektrik RM40?**

- Membantu meringankan beban kewangan golongan berpendapatan rendah yang berstatus miskin tegar melalui pemberian rebat bil elektrik bulanan.

5. Bagaimana untuk menyemak kelayakan Program Rebat Bil Elektrik RM40?

- Semakan boleh dibuat melalui Portal Semakan Rebat Bil Elektrik melalui laman sesawang rasmi Kementerian Peralihan Tenaga dan Transformasi Air (PETRA) iaitu: <https://semakanrebat.petra.gov.my/apps/public/index.php>.

6. Bolehkah saya menyemak kelayakan Program Rebat Bil Elektrik RM40 pada Sistem eKasih menerusi <https://ekasih2.icu.gov.my/>

- Tidak boleh. Kelayakan bagi Program Rebat Bil Elektrik RM40 perlu disemak melalui Portal Semakan Rebat Bil Elektrik RM40 melalui laman sesawang rasmi PETRA sahaja.
- Ini kerana, Sistem eKasih ialah Pangkalan Data Nasional mengenai kemiskinan. Pengguna tidak dapat menyemak bantuan yang diterima oleh mereka.

7. Saya cuba membuat semakan pada Sistem eKasih <https://ekasih2.icu.gov.my/> dan mendapati bahawa saya tersenarai dalam data eKasih tersebut. Selanjutnya, saya membuat semakan lanjut rebat bil elektrik RM40 di Portal semakan rebat bil elektrik melalui <https://semakanrebat.petra.gov.my/apps/public/index.php> dan mendapati saya tidak layak menerima bantuan rebat bil elektrik. Saya keliru. Mengapa situasi ini berlaku?

- Sistem eKasih ialah Pangkalan Data Nasional mengenai kemiskinan.
- Sehubungan itu, maklumat pengguna yang disahkan dalam Sistem eKasih terbahagi kepada beberapa kategori tertakluk kepada maklumat kemiskinan yang direkodkan.
- Hanya pengguna di bawah **kategori miskin tegar yang berdaftar dan disahkan dalam Sistem eKasih** akan menerima bantuan di bawah Program Rebat Bil Elektrik

RM40.

- Pengguna tidak layak menerima rebat bil elektrik RM40 sekiranya tidak tersenarai di bawah kategori miskin tegar yang didaftar dan disahkan dalam Sistem eKasih, walaupun nama pengguna tersenarai dalam Sistem eKasih.

8. Apa itu Sistem eKasih?

- Sistem eKasih ialah Pangkalan Data Kemiskinan Nasional mengenai kemiskinan.
- Mengandungi maklumat profil individu lengkap Ketua Isi Rumah/Ahli Isi Rumah.
- Sistem di bawah pengurusan Unit Penyelarasan Pelaksanaan, Jabatan Perdana Menteri (ICU JPM).
- Cawangan di peringkat negeri ialah Pejabat Pembangunan Negeri (PPN), ICU JPM.

9. Sehingga bilakah saya layak menerima rebat bil elektrik RM40?

- Terdapat dua kategori pengguna:
 - KIR pemegang akaun bil elektrik: Akan terima rebat secara automatik
 - KIR bukan pemegang akaun bil elektrik: Sehingga KIR mengemas kini nombor akaun dengan utiliti
- Pengguna yang layak akan menerima rebat RM40 bermula dari tarikh kelayakan/tarikh kemas kini maklumat akaun sehingga 31 Disember pada tahun semasa tarikh bil elektrik pengguna masing-masing.
- Kerajaan akan sentiasa menyemak semula program rebat pada tahun-tahun yang akan datang selaras dengan keberkesanan program dan tertakluk kepada keupayaan kewangan semasa Kerajaan.

10. Bagaimana jika bil elektrik saya lebih RM40 sebulan?

- Pengguna yang layak akan menerima rebat bil elektrik sehingga maksimum RM40 sebulan.
- Sekiranya bil elektrik melebihi RM40 sebulan, pengguna hanya perlu membayar baki bil elektrik sahaja.
- Contoh:

Kaedah	Bil Elektrik Bulanan Sebelum Rebat (RM)	Ditolak Rebat (RM)	Baki Bayaran oleh Pengguna (RM)
Contoh 1	64.90	(40.00)	24.90
Contoh 2	42.50	(40.00)	2.50

11. Bagaimana jika bil elektrik saya kurang RM40 sebulan?

- Sekiranya bil elektrik kurang RM40 sebulan, pengguna akan menerima rebat berdasarkan amaun sebenar bil elektrik.
- Contoh:

Kaedah	Bil Elektrik Bulanan Sebelum Rebat (RM)	Ditolak Rebat (RM)	Tiada Bayaran oleh Pengguna (RM)
Contoh 1	38.50	(38.50)	0.00
Contoh 2	24.88	(24.88)	0.00

12. Bagaimana jika saya mempunyai lebih daripada satu akaun bil elektrik?

- Pengguna **hanya boleh mendaftarkan 1 akaun bil elektrik** sahaja pada satu-satu masa.
- Pengguna perlu merujuk terus kepada cawangan utiliti berdekatan untuk mengemas kini nombor akaun.

13. Bagaimana jika saya perlu menukar nombor akaun bil elektrik?

- Pengguna boleh memilih untuk menukar nombor akaun bil elektrik yang akan menerima rebat dari semasa ke semasa.
- Pengguna perlu merujuk terus kepada cawangan utiliti berdekatan untuk mengemas kini nombor akaun.

14. Saya tersenarai di dalam Sistem eKasih. Namun begitu, saya tidak mempunyai nombor akaun bil elektrik yang berdaftar atas nama saya. Sebaliknya, nombor akaun bil elektrik didaftarkan di atas nama ahli keluarga (e.g. suami, isteri, anak). Bolehkah saya mendaftar nombor akaun bil elektrik tersebut?

- Pengguna boleh mendaftar nombor akaun bil elektrik yang didaftarkan di atas nama ahli keluarga contohnya suami, isteri atau anak.
- Pengguna perlu merujuk terus kepada cawangan utiliti berdekatan untuk mengemas kini nombor akaun.

15. Saya mempunyai akaun elektrik rumah kediaman dan akaun elektrik kedai runcit yang saya usahakan secara kecil-kecilan. Bolehkan saya mendaftarkan kedua-dua nombor akaun bil elektrik di bawah Program Rebat Bil Elektrik RM40?





- Pengguna **hanya boleh mendaftar satu nombor akaun sahaja**.
- Program rebat hanya terpakai kepada **tarif domestik (rumah kediaman) sahaja** dan tidak terpakai bagi lain-lain kategori tarif seperti tarif voltan rendah untuk kedai runcit.

16. Saya merupakan penyewa rumah dan nombor akaun bil elektrik didaftarkan di atas nama tuan rumah. Bagaimanakah saya hendak mendaftar nombor akaun bil elektrik di bawah Program Rebat Bil Elektrik RM40?

- Penyewa boleh mendaftar nombor akaun bil elektrik yang didaftarkan di atas penama lain (e.g., tuan rumah).
- Pengguna perlu merujuk terus kepada cawangan utiliti berdekatan untuk mengemas kini nombor akaun.

17. Apakah nombor telefon yang boleh dihubungi sekiranya saya memerlukan penjelasan lanjut?

- Pengguna boleh menghubungi talian hotline MyGCC, Tenaga Nasional Berhad (TNB), Sabah Electricity (SE) dan Sarawak Energy Berhad (SEB) jika memerlukan penjelasan lanjut mengenai program ini.

 MALAYSIA GOVERNMENT CALL CENTRE	 Better. Brighter.	 Energising Our Future	
Hotline: 03-8000 8000	Hotline: 1-300-88-5454	Hotline: 088-515000/ 15444	Hotline: 1-300-88-3111

-Tamat -